

AUG. 3187

3196

VNIVERSÆ
THEOLOGIÆ SPECVLATIVÆ

THEOREMATA

Studio Triennali complexa.

E T

Sub tempus Capituli Prouincialis
VARSAVIÆ
celebrati

Publicè à Patre DOMINICO CZEPANSKI
Augustiniano Theologo

In Cænobio
S. MARTINI
Patrum Augustinianorum

PROPVGNATA

Anno Domini 1685. Mense Novembri
Die 26

UNIVERSAE

THEOLOGICAE SPECULATIVAE

THEOREMATUM

Studio Trinitatis complexa

A. F.

Sub auspiciis Capituli Trinitatis

PARAVIT

collocavit

FRANCIS DOMINICUS CZECHANSKI

Magister in theologia


In Canobio

ST. MARTINI

Pariter Augusti monasterium

PROPOGNATA

Anno Domini 1848. Julij. 28. Novembrii
Die 20



EX PRIMA PARTE

De Natura & Obiecto Theologiæ.

PRæter Physicas disciplinas, datur Theologia seu Sacra doctrina diuinitus reuelata, quæ hominibus necessaria est ad salutem. Non est Scientia rigorosè sumpta: distinguitur realiter ab habitu Fidei, nec subalternatur Scientiæ Beatorum; nec manet habitus Theologicus acquisitus in via, idem in Patria. Obiectum eius Materiale adæquatum, est omne id, de quo tractat: Formale verò propter quod, est reuelatio huius præmissæ reuelatæ, & euidencia alterius naturalis. Omnibus Scientijs dignitate excellentior est, sicut & certior certitudine formali & obiectiuâ. Magis speculatiua est quàm practica, si spectetur secundum finem suum intrinsecum. Conclusio Theologica deducta ex una præmissa reuelata, & altera naturali euidenti, vel probabili tantum, aut ex duabus reuelatis, non est supernaturalis, unde ut talis non est de Fide.

De Attributis Diuinis.

Naturali lumine euidens est, Deum esse. Hæc propositio; Deus existit, est per se nota secundum se: Licet enim existentia Dei non sit demonstrabilis à priori, bene tamen à posteriori, cuius proinde nequit dari ignorantia inuincibilis, & inculpabilis positiua, Deus est ens per essentiam, Ens à se negatiuè, Ens totum Vniuersalissimè & infinite;

finitè; Ens simplicissimum & actus purus, esse primum fontale & radicale. Differentia constitutiua Deitatis, nec est asseitas, nec intellectio Substantialis per essentiam, nec infinitas actualis formaliter, aut materialiter sumpta, sed infinitas radicalis exigitiua, & formalis implicita. Omnis perfectio realis existit in Deo vel formaliter, si sit perfectio simpliciter simplex, vel eminenter, si sit perfectio secundum quid. Attributa Dei ab essentia & inter se, nec realiter, nec formaliter ex natura rei, sed ratione ratiocinatâ distinguuntur.

De Visione DEI.

Nullus intellectus creatus Deum intuitiue cognoscere potest per vires naturæ; nec oculus corporeus existens aut possibilis eleuari potest ad videndū Deū. Non implicat Species impressa Dei, reuera tamen actu non datur, cuius defectum supplet Essentia Divina. Ad Visionem beatam requiritur lumen gloriæ, sine quo de potentia ordinaria nullus potest videre Deum. Munus luminis gloriæ non est dispositio materialis ad receptionem essentiæ Divinæ ut speciei impressæ, nec ad visionem recipiendam, sed complere potentiam, & cum ea concurrere ad visionem, ad quam intellectus creatus ita concurrat, ut nec diuinitus sine eius concursu posset elici; concurrat tamen intellectus ad visionem, ut causa solum instrumentalis. Beati vident in Deo formaliter & distinctè essentiam Dei, Trinitatem Personarum, attributa omnia, secundum proprias & primarias rationes: posset tamen absolutè videri Essentia Dei sine Personalitatibus, & unum attributum sine aliis. Inæqualitas

litas Visionum, peti debet ex lumine gloriæ. Nulla est
possibilis creatura, cuius intellectus eleuari possit ad Deum
comprehendendum.

De Scientia D E I.

Datur in D E O Scientia, cuius radix est immaterialitas.
Non solum essentia diuina, sed etiam prædicata D E I ab-
soluta & relatiua, sunt obiectum primum cognitionis di-
uinæ; seipsum & obiecta creata cognoscit distinctè & cō-
prehensiue. Scientia D E I adæquatè diuiditur, in scienti-
am simplicis intelligentiæ, & Visionis. Obiectum Scien-
tiæ simplicis intelligentiæ sunt res possibiles, quas cogno-
scit in sua Omnipotentia, tanquam in obiecto formali, &
medio prius cognito. Obiectum Scientiæ Visionis sunt fu-
tura, quæ non cognoscit antecederet ad decretum in suis
idæis, nec in causis liberis, sed in decreto suæ voluntatis.
Deus cognoscit certò & infallibiliter futura conditionata,
quorum cognitio, non est scientia Media, sed libera, funda-
ta in decreto actuali absoluto subiectiue, & conditionato
obiectiue. Scientia simplicis intelligentiæ est causa produ-
ctiua rerum in actu primo, Scientia verò visionis, non quæ
visionis est, sed quæ approbationis, est causa productiua
rerum in actu secundo.

De Voluntate D E I.

Est voluntas in D E O, diuiditur in antecedentem & con-
sequentem; Voluntate antecedenti vult Deus omnes
homines saluos fieri, per quam præparauit D E U S homini
existenti in natura lapsa, media sufficientia ad salutem.
Obiectum formale motuum Diuinæ voluntatis, est sola

bonitas increata. **D**Es diligit seipsum necessario & quò-
ad specificationem, & quòad exercitium: creaturas verò
existentes & futuras amat liberè, possibiles autem nullo
modo. Decretum liberum **D**Ei, non consistit adæquatè in
denominatione extrinseca, sumpta ab actione transeunti,
nec in perfectione extensua, superaddita perfectioni neces-
sariæ ab illa ratione distincta, nec in modo aliquo reali, sed
in actualitate actûs necessarii, ut ad creaturas liberè termi-
nata.

De Providentia, Prædestinatione, & Reprobatione.

DEs est perfectè providus, qui omnia creata curat, gu-
bernat, & in proprios fines dirigit. Providentia **D**Ei
non consistit formaliter in actu voluntatis, nec in actu in-
tellectûs & voluntatis, ita ut in recto dicat utrumq; , sed
in solo actu imperii. Prædestinatio est tantum pars obiecti-
ua providentiæ Diuinæ, quæ; sicut providentia, formaliter
consistit in imperio intellectûs Diuini. Electio efficax adul-
torum ad gloriam, est ante præuisa eorum merita. Opera
Christi Domini, fuerunt causa meritoria prædestinationis
nostræ, quò ad omnes eius effectus, purus homo non potuit
mereri de congruo prædestinationem quòad omnes eius
effectus. Omnia auxilia **D**Ei, actus supernaturales, iustifi-
catio, glorificatio, sunt effectus prædestinâtionis, non item
permissio peccati. Prædestinatio est certa & infallibilis.
Plures sunt reprobati, quàm prædestinati, quorum numerus
est certus non solum formaliter, sed etiam materialiter.
Nullum **D**Es absolutè & efficaciter reprobavit, ante præ-
visa peccata hominis absolutè futura. Peccatum originale
est

est motivum voluntatis efficacis, excludendi reprobos à beatitudine, quibus non est remissum, quibus verò est remissum, movetur Deus ad eos reprobandos per peccatum actuale mortale prævisum, nunquam dimittendum. Perseverantia in peccato, non est effectus reprobationis, benè verò poena æterna damni & sensûs.

De Cellissimo Trinitatis Mystero.

TRes in Diuinis sunt Personæ, realiter distinctæ, eiusdem naturæ omnino indiuisibilis, Pater scilicet, Filius, & Spiritus Sanctus. Dantur in Diuinis duæ processiones, quarum vna est per intellectum, altera per voluntatem. Processio Verbi est propriè generatio, non item processio Spiritûs S. Nec Essentia Diuina, nec relatio per se est principium proximum diuinarum processionum, sed intellectus & voluntas, prout connotant relationes. Terminus formalis diuinarum processionum vt actiones productæ sunt, est relatio personalis. Quatuor sunt in Deo relationes reales, Paternitas, Filiatio, Spiratio actiua, & passiuæ: non distinguuntur ab essentia Dei realiter, nec formaliter ex natura rei, sed ratione ratiocinatâ. Dantur in Diuinis præter vnam subsistentiam absolutam, tres relatiuæ, quod idem assero de existentijs. Personæ Diuinæ constituuntur & distinguuntur proprietatibus relatiuis, non absolutis. Verbum Diuinum procedit per se ex cognitione omnium Diuinorum, creaturarum possibilem, non item futurarum. Spiritus Sanctus procedit à Patre & Filio, & si à Filio non procederet, non distingueretur ab illo realiter. Processio Spiritûs S. necessariò & per se exigit plura supposita.

De Angelis.

Substantiæ completæ Angelicæ, non admittunt compositionem ex forma & materia etiam spirituali, cum talis repugnet materia. Omnes multiplicantur Specie. Existunt verè & propriè in loco, ratione operationis, seu quantitatis Virtutis Angelicæ; cognoscunt per species vniuersales, & quantò Angelus fuerit superior, tantò eius Species est vniuersalior. Creati erant in Beatitudine naturali, Gratiam sanctificantem obtinuerunt per propriam dispositionem; & Beatitudinem supernaturalem per sua merita. Primùm peccatum eorum fuit Superbia: in primo instanti tamen suæ creationis non potuerunt peccare, contra præceptum aliquod supernaturale, cum ipsis debebatur prouidentia Diuina. Puniuntur in inferno, poenâ damni & sensûs per alligationem physicam ad ignem corporeum, qui in ipsis verum producit calorem. Inferiores Angeli illuminantur à superioribus per locutionem, quâ vnus liberè ordinat suum conceptum ad alterum, ex intentione manifestandi ipsi aliquod obiectum.

EX PRIMA SECVNDÆ.

De Beatitudine supernaturali.

Finis vltimus creaturæ rationalis, est Beatitudo supernaturalis. Hæc diuiditur in Obiectiuam, & Formalem. Obiectiua consistit in ipso Deo. Formalis in actu secundo vitali immanente, & ita quidem, vt nec diuinitus possit consistere in visione, aut amore Diuino, nobis per modum actûs vitalis communicato: immò per impossibile si intel-

tellectio à solo Deo produceretur, & intellectui creato infunderetur, illum non redderet actu videntem Deum. Sola Visio Dei constituit Formalem Beatitudinem, prout sumitur pro fonte primordiali actuum beatificantium. Perpetuitas est essentia Beatitudinis, æquè ac incorruptibilitas, immò & cognitio earundem essentialiter requiritur, ad actu beandum & sedandum appetitum. Impeccabilitas conuenit Beatis ab intrinseco, vi Visionis Beatificæ. Tribus animæ beatæ in Patria gaudent dotibus, Visione clarâ Dei, Comprehensione, & Fruitione. Ex gloria animæ, quatuor redundabunt perfectiones supernaturales in corpus: Impassibilitas, Subtilitas, Claritas, & Agilitas, illud disponentes ad vnionem indissolubilem cum anima, & vt illi subijciatur,

De Actibus Humanis.

Voluntarium rectè definitur, quod sit à principio intrinseco cùm cognitione, reperitur in brutis imperfectè, nō conuertitur cum libero, ad voluntareitatem omissionis, non requiritur debitum aut præceptum non omittendi. In statu naturæ lapsæ per Christum reparatæ, datur libertas indifferentiæ, etiam respectu actionum spiritualium & supernaturalium; quæ nihil aliud est, quàm id quod positis omnibus prærequisitis, possit agere, & non agere: inter quæ requisita voluntatis liberæ ad operandum, quæ sola formaliter est potentia libera, non numero prædeterminationem Physicam. Libertas est intrinseca actibus elicitis, & formaliter importat ipsam entitatem Physicam actûs eliciti, & de connotato indifferentiam voluntatis, & iudicii proponentis

nentis obiectum. Non potest Deus inferre violentiam creaturis, qualitercunque eas mouerit, sicut nec voluntati creatæ, quoad suos actus elicitos; benè verò in cessatione à suis actibus, siue sint elicit, siue imperati. Quæ fiunt ex metu etiam graui, sunt simpliciter voluntaria, inuoluntaria secundùm quid. Nullus metus etiam mortis, modò rationem non perturbet, & libertatem non auferat, excusat à peccato operationes contra prima principia iuris naturalis. Excusat verò operationes, quæ fiunt contra leges positiuas, tam Diuinas, quàm humanas: quod intellige tunc verum esse, quando non adimpletio legis positiuæ, Diuinæ, aut humanæ, non cedit in contemptum fidei, Religionis Christianæ, aut in scandalum proximi. Concupiscentia non causat inuoluntarium, immò antecedens auget illud, prout est commune brutis, minuit verò rationem voluntarij perfecti, quia minuit indifferentiam iudicii. Ignorantia antecedens causat simpliciter inuoluntarium; consequens non causat, nisi secundùm quid: concomitans autem causat inuoluntarium negatiuè tantùm. Solum illud bonum, quod habet rationem finis, est obiectum formale quod adæquatum, & specificativum voluntatis. Voluntas nec de potentia absoluta potest ferri in obiectum incognitum, quam intellectus mouet in genere causæ formalis extrinsecæ. Appetitus sensitivus nunquam mouet voluntatem directè. Exercet voluntas imperium in potentias sibi subiectas, illas applicando ad operandum, cui tenentur ex vi sympatiæ, eò quod radidentur in eadem anima. Circa impossibile cognitum quà tale, potest dari simplex complacentia, & volitio inefficax, in qua potest esse peccatum.

Inten-

Intentio finis, est causa efficiens moralis electionis mediorum. Electio substantialiter est actus voluntatis præsupponens consilium, quod tantum est de mediis. Potest voluntas ex duobus mediis æquè vtilibus eligere quodlibet, & ex duobus inæqualiter vtilibus.

De Bonitate & Malitia Actuum Humanorum.

AD moralitatem actûs, requiritur libertas saltem contradictionis, quæ moralitas consistit formaliter, in entitate Physica actûs liberi connotans honestatem, vel inhonestatem obiecti. Prima regula moralitatis, est lex æterna, proxima verò, dictamen rectæ rationis, ut legi æternæ subordinatum. Actio considerata in esse moris, desumit primam bonitatem, vel malitiam ex obiecto, quæ est in specie atomata. Actus humanus haurit bonitatem, vel malitiam etiam ex circumstantiis; quæ si tribuant primam speciem bonitatis aut malitiæ actibus, iam non sunt circumstantiæ, sed differentiæ essentielles obiecti. Actus electus propter bonum finem, habet duplicem bonitatem, alteram ex obiecto bono, & alteram ex fine bono: ex obiecto substantialem & primariam, ex fine, accidentalem & minus principalem. Nullus actus potest esse bonus ex obiecto, & malus ex fine, vel è conuerso. Intentio finis boni, potest vitiari per prauam electionem, & idem numero actus elicitus voluntatis, potest migrare de bono in malum moraliter, & è conuerso. Dantur actus naturales indifferentes secundum speciem, non item supernaturales; sicut nec ullus potest dari actus humanus per se indifferens in indiuiduo, benè verò per accidens. Bonitas & malitia formalis,

B

prima.

primariò & intrinsecè conuenit actibus internis, secundariò autem & extrinsecè actibus externis, licet in utrisq; sit eadem numero.

De Conscientia.

Conscientia, est quædam participatio, ac impressio legis æternæ, quâ proximè regulantur actus humani, intus suggerendo & indicando, quid prosequi, vel fugere debeamus. Formaliter consistit, in actu practico intellectûs, quo iudicatur hîc & nunc pensatis circumstantiis, quid agendum vel fugiendum sit. Obligatio sequendi rectam Conscientiam, non est à Deo dispensabilis: peccatum tamen speciale non est, agere contra ipsam. Conscientia Erronea inuincibilis non deposita, dictans aliquid ut præceptum, aut prohibitum, obligat sub peccato, ad operandum conformiter ad ipsam, secùs si proponat aliquid per modum consilij. Ex duabus sententiis æquè probabilibus & tutis, quælibet eligi potest: In Sacramentorum administratione, minister non potest uti sententiâ minus probabili, relictâ probabiliori & tutiori, propter periculum inualiditatis Sacramenti. Cum dubio practico, non est licitum operari secundum Conscientiam, licitum autem cum speculatiuo, modò sit practicè certus, de bonitate aut malitia actionis. In materia iustitiæ, possessio bonæ fidei, est sufficiens titulus, ad deponendam Conscientiam dubiam, & formandi conscientiam rectam. Peccata mortalia dubia, necessariò sunt confitenda. Contra scrupulosam Conscientiam operari, est licitum; cum hæc non importet formaliter & intrinsecè iudicium, sed apprehensionem tantum de malitia actionis, cum timore illam committendi.

De

De Habitibus Supernaturalibus.

Habitūs Supernaturales per se infusi, sunt proprietates gratiæ sanctificantis, & quasi potentiæ ipsi collatæ ad operandum; & sicut hæc à solo DEO, ut à causa principali produci potest, ita supernaturales habitus à solo Deo infundi valent, & ita quidem, ut nullatenus actibus supernaturalibus produci possint. Experimentiâ compertum est, hominem iustum, exercitio actuum virtutum supernaturalium, acquirere maiorem facilitatem, eliciendi actus similes, quàm ab initio non sensit, hæc tamen facilitas non provenit ab habitibus per se infusis, à quibus actus illi eliciuntur, quia ab initio non obstantibus habitibus infusis, habuit homo difficultatem, in illis actibus eliciendis: adscribenda ergo est, alicui habitui acquisito, vel supernaturali, vel naturali: quàmvis etiam probabiliter dici possit, illam provenire ab habitibus per se infusis, qui exercitio actuum supernaturalium, continuò magis ac magis augentur meritorie, ratione cuius augmenti, maiorem homo facilitatem sentit, in eliciendis actibus supernaturalibus.

De Virtutibus Moralibus.

Virtutes, quæ passiones nostras ad debitam mediocritatem, iuxta rectæ rationis regulas, cum lucro salutis æternæ consequendæ reducunt, ita sunt determinatæ ad actus honestos, ut non possint influere in malos. Non solum in voluntate hominis, sed etiam Angeli admittendæ sunt virtutes morales per se infusæ. Cardinales quatuor numerantur, secundum quatuor hominis potentias. Prudentia discutit ea, quæ per errorem fallere possunt. Iustitia ser.

tia servat æqualitatem in operationibus erga alterum : Huius novem assignantur partes potentiales, Religio, Pietas, Poenitentia, Observantia, Gratitude, Veritas, Vindicatio, Liberalitas, & Amicitia : conveniunt cum iustitia in hoc ; quod ordinentur ad alterum, & reddant aliquomodo alteri debitum : deficiunt à ratione strictæ iustitiæ eò ; quod non cadant sub rigorosum debitum, sed morale tantum. Temperantia reprimat passiones partis concupiscibilis. Quatuor exigit subjectivas partes, Abstinentiam, Sobrietatem, Pudicitiam & Castitatem. Fortitudo moderatur passiones partis irascibilis, circa ardua pericula, idq; Magnanimitate & Magnificentiâ, Patientiâ & Perseverantiâ. Præter virtutes morales naturales acquisitas, dantur aliæ morales per se infusæ in iustificatis, respicientes eandem materiam cum acquisitis, ex motivo tamen supernaturali. Omnes sunt connexæ cum gratia & charitate, ita ut sine ipsa, non possint habere rationem veræ & perfectæ virtutis, in statu naturæ lapsæ.

De Vitiis & Peccatis.

• **V**itia opponuntur virtutibus acquisitis oppositione contrariâ propriè dictâ, unde possunt esse simul in gradibus remissis. Omne peccatum est disconveniens naturæ humanæ, ut rationalis est. Rectè definitur peccatum à S. P. Aug. lib. 22. contra Faustum c. 27. quod sit dictum, vel factum, vel concupitum contra legem æternam, idcirco essentiale est cuilibet peccato, quod sit contra legem æternam, quod sit injuria & offensa Dei. Non repugnat pura omissio libera & moraliter mala, absque omni actu,

actu. Actus qui est causa omissionis malæ, eandem specie
malitiam habet, quàm ipsa omisso. Constitutivum pec-
cati commissionis est quid positivum, nempe ipsa Substan-
tia actûs peccaminosi, in recto & formalitèr, connotando
in obliquo obiectum lege negativa prohibitum. Inter
peccatum Mortale & Veniale est discrimen ex natura rei,
non ex sola extrinseca lege, aut Voluntate Dei, ex eo sci-
licet, quod peccatum mortale involvat contemptum vir-
tualem Dei ultimi finis, postponendo eum creaturæ, in
qua affectivè constituit ultimum finem, non item veniale.
Ad mortale peccatum præter obiectum de se grave, re-
quitur notabilis quantitas, non tamen in omnibus pec-
catis, item advertentia malitiæ moralis, ac denique con-
sensus saltèm virtualis. Ex pluribus peccatis venialibus
non potest fieri unum mortale. Peccatum habituale con-
sistit formalitèr in ipso peccato actuali præterito, morali-
tèr autem permanente. Non sunt æqualia inter se peccata,
quorum essentialis causæ qualitas ex obiecto desumenda
est, ex inæqualitate virtutum quibus opponuntur, & non
rarò ex circumstantiis. Deus nequit esse causa malitiæ
moralis peccaminosæ, concurrit verò cum voluntate crea-
ta concursu simultaneo ad physicam entitatem actûs pec-
caminosi. Infantes in ipso conceptionis instanti, contra-
hant ex Adam peccatum originale, & in eo nascuntur. So-
lâ institutione Divinâ factum est, ut voluntas Adæ fieret
voluntas omnium posterorum, quoad effectum confer-
vandi, vel amittendi iustitiam originalem. Peccatum ori-
ginale consistit formalitèr in privatione gratiæ sanctifi-
cantis,

cantis, ut sanctificans est. Homo per peccatum originale fuit spoliatus, tantum donis supernaturalibus.

De Gratia.

GRatia rectè definitur, esse donum supernaturale à Deo datum ex meritis Christi. Status puræ naturæ est possibilis. Non potest homo cognoscere in statu naturæ lapsæ absq; gratia omnes veritates naturales collectivè sumptas, multò minus supernaturales. Sine gratia nequit homo lapsus amare Deum super omnia, nec observare præcepta omnia naturalia quoad substantiam longo tempore, nec vitare omnia peccata venialia collectivè sumpta. Ad perseverandum in gratia usq; ad mortem, requiritur speciale donum à gratia habituali distinctum. Gratia habitualis realiter distinguitur à charitate, inhæret animæ intrinsecè. Virtutes infusæ, non dimanant à gratia habituali per veram actionem, sed simul cum gratia infunduntur. Auxilia actualia prævenientia, & excitantia consistunt in actibus subitis & indeliberatis. Dantur omnibus auxilia sufficientia. Solus Deus est causa principalis gratiæ, quæ nec propriè creatur, nec concreatur, sed de potentia obedientiali animæ educitur. Nullus seclusâ revelatione potest esse certus, se esse in gratia.

De effectibus Gratiae.

In iustificatione peccatoris verè delentur peccata, per gratiam inhærentem, quæ ex intrinseca sua natura est forma expulsiua peccati, cum quo, nec de potentia absoluta potest esse simul in eadem anima. Actus charitatis & contritionis, nequit esse causa formalis iustificationis. Potest
de po-

de potentia Dei absoluta, destrui peccatum habituale, sine omni actu retractativo peccatoris. Ad iustificationē peccatoris adulti, præter fidem, requiruntur actus aliarum Virtutum, scilicet spei, timoris, pænitentiae, charitatis, non quibus gratiam mereatur, sed quibus ad illam recipiendam se disponat. Homo iustus, bonis operibus in gratia factis verè meretur vitam æternam; pura omissio non potest esse meritoria: actus virtutis moralis acquisitæ elicited ab homine iusto, sine ordinatione saltē virtuali in finem supernaturalem, non sufficit ad meritum vitæ æternæ. Retributio meriti in Deo, est actus iustitiæ distributiæ, habentis aliquem modum iustitiæ commutatiæ. Nullus potest de condigno mereri sibi primam gratiam.

EX SECVNDA SECVNDÆ.

De Virtutibus Theologicis.

Fides Theologica, est primum vitæ Spiritualis fundamentum. Respicit pro obiecto formali *quod* ipsum Deum sub ratione veritatis in essendo; ratio verò eius motiva formalis *sub qua* est veritas in dicendo, prout connotat veritatem primam in cognoscendo. Revelatio actualis Dei, ingreditur rationem obiecti formalis motivi Fidei inadæquatè; Ecclesiæ autoritas non: Fidei enim assensus, ultimò resolvitur in primam veritatem revelantem, tanquā in rationem motivam credendi, & in Ecclesiæ autoritatem tantum, ut in regulam applicantem. Non potest subesse falsum obiecto Fidei, etiam ex parte credentis. Actus internus Fidei supernaturalis, est necessarius simpliciter ad conse.

consequendam salutem. Utrum autem de potentia absoluta possit homo iustificari, & salvari, absque omni actu Fidei Theologicæ; affirmativè decidimus: sicut potest destrui peccatum de potentia Dei absoluta, absque omni actu & dispositione peccatoris. Fides explicita existentiae Dei, & Remuneratoris, in omni statu fuit simpliciter necessaria ad iustificationem & salutem. MYSTERIUM TRINITATIS & INCARNATIONIS necessariò credi debet explicitè, post promulgationem legis Evangelicæ. Negare fidem externè non est licitum, immò nec simulare falsam religionem, fides enim exigit à nobis officium cordis & linguæ secundum *P. Augustinum*. Spes Theologica, quæ est desiderium efficax boni ardui & futuri, pro obiecto primario *quod* habet Deum ipsum; non excludit tamen à ratione motiva, visionem beatificam. Omnipotentia Dei ut auxilians, est ratio formalis sub qua speratur summum bonum. Nemo potest alteri sperare beatitudinem. Suppositâ revelatione, de damnatione, desperatio non est licita, si hæc importet actum positivum, quo receditur à beatitudine assequenda, reducendo illius non consecutionem in defectum Divinæ misericordiæ. Caritas Virtutum excellentissima, bonum supernaturale infinitum in omni genere, habet pro obiecto formali primario; proximum pro secundario. Augetur intensivè per actus nostros supernaturales, tam intensiores habitu, quàm æquales, atque remissos, non physicè & efficienter, sed moraliter & meritoriè.

EX TERTIA PARTE.

De Ineffabili Incarnationis Mystério.

Offensa per peccatum mortale Deo illata, est simpliciter infinita, pro qua quia homo purus, non potuit condignam exhibere satisfactionem, necesse erat Verbum Divinum incarnari. Opera Christi Domini ex se ab intrinseco fuerunt infiniti valoris, ac proinde satisfactio Christi pro peccatis generis humani, fuit actus rigorosæ iustitiæ. Si homo non peccasset, Verbum Divinum non fuisset incarnatum. Vi præsentis decreti, existentibus actualibus peccatis, & non existente originali, Christus non venisset. Unio hypostatica fuit facta in Persona, post quam manserunt in Christo duæ naturæ, Divina scilicet & humana, & una Persona Divina. Unio hypostatica est modus Substantialis distinctus realiter modaliter à Persona Verbi & humanitate: terminus formalis actionis incarnandi, est unio humanitatis ad Verbum, non Persona Verbi. Antiqui Patres non meruerunt Incarnationem quòad Substantiam etiam ordine executionis, nec Beatissima Virgo meruit de condigno dignitatem Matris Dei, sed tantum de congruo. Verbum Divinum terminat humanitatem Christi ratione solius subsistentiæ relativæ. Possunt tres Personæ Divinæ eandem naturam creatam simul immediatè terminare. Natura Angelica, irrationalis completa, potuit assumi à Verbo, non potuit autem assumi à Verbo ulla natura creata retinens propriam subsistentiam. Verbum Divinum assumpsit verum corpus, animam rationalem, & sanguinem naturalem immediatè. Fuit in anima Christi gratia habitualis finita, quâ non indiguit ad formalem sui sanctificationem.

tionem, sed ad connaturalem existentiam habituum supernaturalium, & ut in ipso esset connaturale principium effectivum actuum meritoriorum. Personalitas Verbi secundum esse relativum, sanctificat formaliter animam Christi. Virtutes morales acquisitæ fuerunt in anima Christi, item Virtutes per se infusæ, non autem Fides Theologica, nec spes, nec virtus pœnitentiæ, ac denique habuit Christus dona Spiritûs Sancti quodam habitus & aliquos actus, necnō gratias gratis datas excellētissimo modo. Christus est caput Ecclesiæ per gratiam habitualement ut formam proximam. In intellectu Christi fuit Scientia creata, perfecta, cum qua non potuit stare error, aut ignorantia. Anima Christi Domini ab instanti conceptionis, vidit intuitivè Essentiam Divinam. Per scientiam beatam cognovit in Verbo omnia præsentia, præterita, & futura, & infinita. Præter scientiam beatam, habuit Christus scientiam per se infusam, per quam cognovit omnia obiecta naturalia distinctè, immò & omnia dona supernaturalia, futura contingentia, cogitationes cordium, quâ scientiâ potuit uti, sine conversione ad phantasmata. Præter illas scientias, habuit etiam Christus Dominus, Scientiam per se acquisitam, & experimentalem. Humanitas Christi etiam semotâ beatitudine, non potuit peccare de potentia absoluta Voluntas Christi in amplectenda morte præcepta, non solum fuit libera à coactione, sed etiam à necessitate. Christus meruit in primo instanti conceptionis. Humanitas Christi potuit mereri Unionem hypostaticam per opera naturæ ordine præcedentia, non per subsequencia: sibi non meruit gratiam habitualement, aut beatitudinem, sed nobis.

De Sacramentis in Communi.

Sacramentum rectè definitur: Signum sensibile rei insensibilis; omnia Sacramenta novæ legis componuntur ex verbis & rebus, tanquam ex materia & forma, ut partibus essentialibus. Mutatio essentialis materiæ aut formæ, reddit Sacramentum invalidum. Sacramenta novæ legis conferunt gratiam ex opere operato, physicè instrumentaliter, quæ supra habitualement superaddit ius ad specialia auxilia, ad actiones Sacramentales exercendas necessaria. Quædam Sacramenta imprimunt characterem, indebilem, cuius subiectum proximum est intellectus practicus. Solus Christus omnia novæ legis Sacramenta instituit. Solus homo de lege ordinaria est Minister Sacramentorum. Ad valorem Sacramenti requiritur intentio Ministri, saltem virtualis. Septem sunt novæ legis Sacramenta, Baptismus, Confirmatio, Ordo, Pænitentia, Eucharistia, Extrema Unctio, & Matrimonium: ordine perfectionis Eucharistia primum locum tenet, Baptismus ordine necessitatis prior est.

De Augustissimo Eucharistiæ Sacramento.

Post consecrationem panis & vini, sub speciebus eorum continetur Christus Dominus, verus Deus & homo, ad cuius præsentiam omnino destruitur tota Substantia panis & vini. Nec species Sacramentales solæ, nec solum Christi corpus, sed ambo simul componunt intrinsecè Eucharistiæ Sacramentum, ad cuius essentiam, verba consecrationis pertinent intrinsecè tanquam forma: transubstantiatio autem, nullatenus est pars essentialis Eucharistiæ, nec sumptio. Materia primæ consecrationis, est panis triticus,

ceus, secundæ vinum ex vite: aqua modica vino mixta, convertitur in Sanguinem Christi.

De Pænitentia.

LAvacrum regenerationis, quo coaptamur in sortem filiorum Dei, est Pænitentia, secunda post naufragium tabula; Alia est, quæ habet rationem virtutis & non Sacramenti, & hæc definitur; quod sit habitus quidam, inclinans hominem ad detestationem peccati, cum efficaci voluntate satisfaciendi Deo, per illud offenso. Est Virtus specialis distincta à Charitate & Religione; Obiectum materiale virtutis Pænitiæ, est peccatum, ut offensa Dei per satisfactionem destruibilis; Formale verò, ius Divinum læsum. ut reparabile per satisfactionem. Sacramentum Pænitiæ est institutū à Christo post resurrectionem. Absolutio Sacerdotis, & actus pænitentis, sunt partes intrinsecæ huius Sacramenti, quod est necessarium necessitate medii, ad delenda peccata, in re vel in voto. Contritio, infallibilem habet connexionem cum remissione peccatorum, ante susceptionem actuale Sacramenti Pænitiæ. Peccata semel remissa per pænitentiam, non redeunt simpliciter quòad esse physicum, nec quòad modum essendi moralem. Confessio potest esse aliquando informis & valida. Sub sigillum Confessionis cadunt omnia peccata tam mortalia quàm venialia, & circumstantiæ eorum, Satisfactio, quæ est pars integralis Sacramenti Pænitiæ, quatuor requirit Conditiones; ex parte satisfaciæntis, Gratiæ, & statum viæ; ex parte operis, libertatem; Acceptationē verò seu voluntatem remittendi reatum pænæ, intuitu talis operis ex parte Dei.

Cui honor & gloria in sæcula.



5100019664

Biblioteka Jagiellońska

